

Piffissanut agguataarisoqartarnernut maleruagassat immikkut ittut il.il. pissutigalugit nunatsinnut tikissimasut nunatsinniillu aallarsimasut nammineerluni nalunaarsuiffimmik immersuilersigatik S 2-mik piniaqqaarnissaat innersuussutigineqarpoq.

1. Nunani allani soraarnerussutisiassatigut aaqqissuussinermi akiliutit tapiissutisiallu akileraaruserneqarnissaat

Ukioq aningaasarsiorfik 2017-imiit nunani allani soraarnerussutisiassatigut aaqqissuussinermi akiliutit pisortaniillu tapiissutisiat aningaasarsiatut A-tut akileraaruserneqassapput.

2. Nioqqutissanik nammineq atuinerup inummumt ataatsimut ukiumut nalingi:

Iffiorut	16.600 kr.
Niuertut qerititanik nioqquteqanngitsut	17.200 kr.
Niuertut qerititanik nioqquteqartut	22.700 kr.
Savaatillit tuttuutillillu	2.100 kr.
Neqaarniat pisiniarfiutillit	22.000 kr.

Meeqqat ukiup aningaasarsiorfiup aallartinnerani 12-inik ukioqalersimannngitsut naliusup affaanut naatsorsuunneqassapput.

Akigititani imigassat kimittuut, immiaaqqat, viinnit tupallu ilanngunneqanngillat tamakkunanngalu atukkat nalingi ilanngunneqartassapput.

3. Suliffeqarfimmit akeqanngitsumik nerisaqartitaanerup inummumt ataatsimut ukiumut nalingi:

Nerisaqarneq ukiumut.....	34.700 kr.
Tamakkiiusumik nerisaqarneq ullormut.....	99 kr.
Ilaanakortumik nerisaqarneq (nerinerit marluk) ullormut.....	74 kr.
Ilaanakortumik nerisaqarneq (nerineq ataaseq) ullormut	55 kr.

4. Utoqqalinerisutillit il.il. akeqanngitsumik nerisaqartitaanerup nalinga:

Utoqqaat illuini najugaqartunut inuillu allat isumaginninnermi inissisarfimmiittut il.il. akeqanngitsumik nerisarnerisa nalingat inummumt ataatsimut ukiumut ilanngunneqassapput 27.800 kr.

5. Suliffeqarfimmit akeqanngitsumik ineqartitaanerup/najugaqartitaanerup nalinga:

Akeqanngitsumik ineqqamik, inissiaaqqamik (ineeraq igaffeerartaluk), inissivittut taaneqarsinnaanngitsumik, najugaqartitaaneq 2018-imut 16.100 kr.-nut nalilerneqarpoq. Pisortaatitanut, hoteldirektørinut assigisaannullu akeqanngitsumik najugaqartitaasunut nalit immikkut ittut atuupput. Naligititaq inummumt ataatsimut ukiumut 56.900 kr.-iuvoq. Meeqqalli ukiup aningaasarsiorfiup aallartinnerani 12-inik ukioqalersimanngitsut affaanarmik naatsorsuunneqassapput. Immikkut ittunik pissuteqarpat nalit allat atorneqarsinnaapput.

6. Biilit akeqanngitsumik atornerqartartut nalingat – nalingi nikerarsinnaapput. Biilit Kalaallit Nunaata avataani atugassannortinneqarsimasut km.-it tamaasa 4 kr.-inik nalilerlugu angissulerneqarpoq. Takuuk biileqartitaanerup akileraararneq pillugu suliarineqartarneranut tunngatillugu [kaajallaasitaq nr. 1, 17. september 2012-imeersoq](#).

7. Akeqanngitsumik telefonqartitaanerup nalinga, ukiumut ... 7.500 kr.

8. Akeqanngitsumik internettersinnaatitaanerup nalinga – nalinga nikerarsinnaavoq – takuuk Akileraararnermut Aqutsisoqarfimmit [nalunaarut nr. 93, 12. oktober 2015-imeersoq](#).

9. Kalaallit Nunaanni tjenestemandinut maleruagassiat naapertorlugit namminersortuni pisortaniiluunniit

atorfillit **akiliunneqarlutik feeriarlutik angalanerisa nalingat** akileraaruteqaataassannngilaq inoqutiginni inuk ataaseq ukiumut ataasiarlugu akiliunneqarsinnappat.

Akeqanngitsumik angalanerup ataatsip saniatigut akeqanngitsumik angalanerup nalinga 2018-imut inummumt ataatsimut angalanerup ataatsimut 17.300 kr.-iuvoq.

10. Inuusutissarsiutinut peqatigiiffinnut ilaasortaanermut akiliutit ilanngaatigineqarsinnaapput. A-kassemut akiliutit aammalu efterlønisiaqalernissamut akiliutit **ilanngaatigineqarsinnaanngillat**.

11. Ulluunerani imaluunniit ulloq unnuarlu paaqqinnittarnermi ilanngaattissat:

a) Ulluunerani paaqqinnittarnermi aningaasarsiat 1/5-ii uppernarsaasernagit ilanngaatigineqarsinnaapput, annerpaamilli qaammammumt meeqqamut ataatsimut 1.059 kr.-t.

b) Utaqqiisaasumik ilaqutariinni aammalu **pisariaqartitsilluni paaqqinninnermi** aningaasarsiat annertoqqataannik uppernarsaasernagit ilanngaatigineqarsinnaapput.

c) Paaqqinninnermi aningaasarsiat nalinginnaasut (Ilaqutariit paarsisartut pillugit Namminersorlutik Oqartussat [nalunaarutaanni nr. 17, 08.11.2017](#)-imeersumi § 22, imm. 2 tunngavigalugu tunniunneqartut) angeq-qataat uppernarsaasernagit ilanngaatigineqarsinnaapput. Aningaasartuutiviilli aningaasarsianit nalinginnaasunit amerlaneruppata, taava aningaasartuutit uppernarsaasernerqarsinnaasut aningaasarsianut nalinginnaasunut taarsiullugit ilanngaatigineqarsinnaapput.

12. Parnaarussanik isumaginninnermi aningaasartuutit uppernarsaasernagit parnaarussamut ataatsimut ulloq unnuarlu 149 kr.-t ilanngaatigineqarsinnaapput.

13. Nerisaqarnermut aammalu ineqarnermut/najugaqarnermut il.il. aningaasartuuteqarnerulissutit ilanngaatiginerat:

Akileraartartoq suliamut/inuusutissarsiornerminut atatillugu najugaqarfimmi/illoqarfimmi/sullivimmi (Kalaallit Nunaanni) utaqqiisaasumik avataani sulitilluni, tamatumunngalu atatillugu nerisaqarnerminut (takuuk imm. a) kiisalu ineqarnerminut/najugaqarnerminut (takuuk imm. b) aningaasartuuteqarneruleruni, aningaasartuuteqarnerulissutinitamakku **uppernarsaasarsinnaasani** ilanngaatigisinnaavai. Taamaattorli akileraararnermut inatsimmi § 34, imm. 1, nr. 8 naapertorlugi akileraaruteqaataasussaannngitsunik ullormu-siaqartitsisoqarsimatillugu aammalu/imaluunniit angalanerisutisijaqartitsisoqarsimatillugu ilanngaateqarto-qarsinnaanngilaq.

a) Nerisaqarnermut il.il. aningaasartuuteqarnerulissutit:

Aningaasartuuteqarnerulissutit nalilerneranni, ullormut aningaasartuutit akilerneqarsimasut uppernarsaatitallit "akeqanngitsumik nerisaqarnerup" ullormut nalinga Naalakkersuisunit aalajangerneqarsimasoq qaangersimappassuk, taava taakku nikingassutaat ilanngaatigineqarsinnaapput.

b) Ineqarnermut/najugaqarnermut aningaasartuuteqarnerulissutit:

Kalaallit Nunaanni angerlarsimaffittut illoqarfiup/nalinginnaasumik sulliviup avataaniinnermi akeqanngitsumik ineqartitsisoqarpat - sulisitsisup najugassaqarfiutaani taassumaluunniit akiligaani - taassuma nalinga akileraaruserneqassannngilaq, akileraartartup Kalaallit Nunaanni inigivigisani/najugarisani pigiin-narpagu.

Piffissaq eqqorlugu kingusinnerpaamik tunniussiffissaq tassaavoq 1. maj 2019.

Tunniussiffissamut piffissaliussa qullormik ataatsimik qimmorneqarneri tamaasa akileraarutissat tapilius-samik 200 kr.-inik qaffanneqartassapput, taamaattorli inunnut tunngatillugu annerpaamik 2.000 kr.-inik, aammalu namminersorlutik inuusutissarsiutinik ingerlataqartunut kiisalu selskabinit assigisaanullu tunngatillugu annerpaamik 5.000 kr.-inik.